

Alkitab Buat Bocah

Nampilin

Yeremia,
Laki-laki
nyeng Nangis



Nyeng nulis: Edward Hughes

Nyeng bikin gambar: Jonathan Hay
Alastair Paterson

Nyeng nyocokin: Mary-Anne S.

Nyeng terjemahin: Matheus Nalih Ungin


Dibikin buat: Bible for Children
www.M1914.org


©2024 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.



Yeremia dibranakin di sebuah rumah religius di kerajaan Yehuda. Bapanya, Hilkia seorang pemimpin agama. Keluarganya netep di sebuah kota nyeng namanya Anatot, kaga jauh dari Yerusalem. Bisa jadi bapanya Yeremia juga ngarep kalo dia juga bakal jadi seorang pemimpin agama. Tapi Allah punya kepengenan nyeng laen.






Pas Yeremia dibranakin,
jamaah Allah kaga idup kaya
apa nyeng Allah Firmanin.
Hampir semua orang, dari
raja sampe pegawe nyeng
rendah ati, nyeng nyembah
allah palsu sampe di dalem
Bait Suci Allah.




Pas Yeremia
nginjek
dewasa, Allah
berfirman
kepadanya,
"Aku tau kamu
mulain dari kamu
belon diberanakin," Allah
ngasih tau Yeremia, "lagian Aku pengen
kalo kamu bakalan ngomong buat Aku."



Panggilan Tuhan itu bikin Yeremia takut. "Ah, Tuhan Allah!" dia mewek. "Aku kaga bisa ngomong, aku masih bocah." Dia udah bukan bocah lagi-dia udah berumur dua puluh taun. Tapi dia kaga mikir kalo dia

bakal ngomong buat Allah ngelawan semua nyeng jahat di sekiterannya.



"Kaga usah takut," Allah negesin Yeremia. "Pegih kemana aja kalo Aku kirim kamu. Sampein apa aja nyeng Aku omongin."


Aku sama kamu dan Aku bakal ngiringin kamu." Lantas Allah bikin sesuatu nyeng bikin heran. Dia pegang mulut Yeremia.



Allah ngasih Yeremia kekuatan, keberanian ama kebijaksanaan. Dia ngomong dengan brani, ngingetin orang banyak kalo Allah kesian ama mereka dan pengen nolongin mereka. Tapi kaga ada satu orang juga nyeng ngedengerin dia, juga sang raja.




Juga para pemimpin agama marah banget dan bilang padanya supaya brenti ngomong soal Allah. Ada juga nabi palsu nyeng bilang kalo Yeremia kaga ngomongin nyeng sebenarnya.



Yeremia ngingetin orang itu, kisaran seratus taun nyeng lalu, kerajaan Israel sebelah belor udah ninggalin Allah. Lawan-lawan mereka, orang Asyur, ngalahin mereka dan mindahin semua orang Israel ke negri-negri nyeng paling jauh.






Sekarang orang-orang Yehuda,
kerajaan sebelah kidul udah
ninggalin Tuhan. Tentara
lawan udah dalem perjalanan!
Tuhan juga bakalan
ngijinin jamaahNya
dikalahin dan dibawa
ke pembuangan juga?



Orang-orang percaya ama dewa mereka. Bisa kaga dewa nyelametin mereka dari lawan? Kaga! Cuman Allah nyeng bisa nyelametin mereka. Orang-orang pada marah ama Yeremia, mereka berembug buat ngebunuh dia. Tapi Allah ngelindungin pembantu-Nya.




Ujung-ujungnya, Allah bilang sesuatu nyeng bikin heran Yeremia. Allah bilang, "Jangan sembahyang buat orang-orang ini. Aku kaga bakal ngedengerin mereka pas mereka dateng nangis-nangis buat minta bantuanku."




Yeremia ngingetin raja kalo dia bakal kalah pas perang lawan tentara Babel. Raja marah banget dan ngejeblosin Yeremia masuk ke dalam bui. Meski begitu, di dalem bui, Yeremia tetep aja kotbah dan percaya Allah.



Abis dia keluar dari bui,
Yeremia lagi-lagi kotbah
kepada raja dan orang-
orang kalo mereka kudu
balik lagi dan percaya
kepada Allah. Kali ini raja
ngejeblosin
Yeremia ke
dalem bui bawah
tanah nyeng
paling dalem.




Tapi Allah lagi kerja di ati raja. Diem-diem Allah nyelametin Yeremia dan nanya sama dia apa nyeng Allah pengenin supaya raja kerjain. "Pegih ke tempat piaraan, dan Allah bilang kamu bakal idup," kaya gitu jawabannya.



Tentara Babel ngalahin
Yerusalem dan semua orang Yehuda.
Mereka ngerontogin tembok, semua
bangunan dan ngebakarnya. Allah
bilang kalo mereka kudu pegih ke
pembuangan selama
tujuh puluh taun,
dan barulah
Dia bakal

ngebawa
mereka ke tanah
nyeng udah
dijanjin.



Yeremia, Laki-laki nyeng Nangis

Sebuah cerita dari perkataannya Tuhan, Alkitab


Ditemuin di

Yeremia

"Palang pintu Firman Engkau ngasih terang."

Mazmur 119:130





| 28

||||| 60



Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

